

PIUS PP. VIII.

Dilecte Fili, ac dilecta in Christo filia salutem et Apostolicam Benedictionem. Spirituali consolationi vestrae, quantum cum Domino possumus consulere, eosque speciali beneficentia prosequi volentes, et a quibusvis excommunicationis, et interdicti, aliisque ecclesiasticis censuris, sententiis, et poenis quovis modo, et quacumque de causa latis, si quas forte incurristis, huius tantum Indulti assequendi gratia absolventes, et absolutos fore censes; supplicationibus vestro nomine Nobis per hoc humiliter porrectis permoti, ut itinere a Vobis per Russicas, aliasque regiones pro tempore, faciendo, Altare portatile, debitis tamen cum honore et reverentia habere, ac super eo, ubi Ecclesiarum commoditas defuerit, et in casu necessitatis tantum per quemcumque, sacerdotem approbatum secularem, vel cujusvis Ordinis regularem sacrosanctum Missae sacrificium in locis ad id congruis et decentibus in vestra, ac aliorum, qui vos comitatu fuerint praesentia celebrari facere, libere ac licite possitis et valeatis, et quilibet vestrum possit et valeat, Auctoritate Apostolica tenore praesentium concedimus, et indulgemus. Non obstantibus Constitutionibus, et sanctionibus Apostolicis, ceterisque contrariis quibuscumque. Datum Romae, apud Sanctam Mariam Majorem sub Annulo Piscatoris die XX I. Maii M D C C C XXX. Pontificatus

Nostri

Anno

Secundo



J. Car. Albanus

48.244
Exaratum in adversa parte huius paginae breve Apostolicum Sanctissimi
Sui Papae VIII. in gratiam Illustrissimi Domini Adalberti Rustowski Ac-
tualis Consilarii Status et Equitis, et suae Consortis Josephinae de Principi-
bus Drucki Lubeki, nec non eorum, qui in comitatu fuerint, pro Altari
Portatili in itinere, idque pro casu necessitatis editum, accedente bene-
placito Augustissimi Imperatoris Nicolai I. cum hac ex-
presse per suam Maiestatem addita cautela, ne istud Altare
aperiatur seu ponatur publice, sicut solet fieri in Templo vel Orato-
rio, sed privatim dumtaxat in conspectu solius dictae Familiae.
Nos cum ea qua par est reverentia recognovimus, et in usum de-
duci permisimus. Datum Vilnae hac die Vigesima octava
Mensis Julii. Millesimo octingentesimo trigesimo Anno.

Electus Episcopus Chrysopolitani Suffraganeus Vilnen-
sis, Administrans Dioecesim Vilnensem, Canonicus Cathe-
dralis, Philosophiae et S. Theologiae Doctor Ordinis S.
Annae 2dae Classis Eques Andreas Benedictus Klagiewicz.



Secretarius Vincentius Jankierfki S. C.

32
Dilecto Filio Alberto ex Comitibus
Łosowski, ac dilectae in Christo filiae
Josephinae Principissae Drucki Lubeki
ejus uxori Vilnē.